

La campiunessa mundiala Gina Berther vegn honorada

Uonn vegn la fiasta naziunala commemorada ella vischnaunca da Tujetsch gliendisdis, ils 31 da fenadur 2023. La fiasta ha liug naven dallas 16.00 silla piazza da sport sper la halla plurivalenta a Sedrun/Dulezi. Sco ins sa leger el program uffical publicaus dalla vischnaunca, la Giuventetgna Tujetsch e Sedrun Mustér Turissem, cumpeggia il program in plaid da beinvegni dil president communal *Martin Cavegn*, il tuchiez e himni naziunal sco era in til da lampiuns pils affons ed in fiug artificial. Quella sera honorescha la vischnaunca da Tujetsch era *Gina Berther* da Rueras che habitescha el cantun Valleis. L'entschatta zercladur ei Gina Berther daventada campiunessa mundiala ella concorrenza d'alzar peisas da treis disciplinas – powerlifting – sin Sardinia. En quella – la concorrenza d'alzar sur la crusch – ha ella lu era gest contonschiu cun 195 kg in niev record mundial. (fmr/hh)